

紫陽縣志

地理志 建置志

第一冊

地 170.187
36
部 = 12



補葺紫陽縣志記

蓋惟邑乘之作所以紀山川考人物辨風俗識興華文獻於是乎徵政治於是乎繫舉凡戶役貢賦諸產百物莫不備記而賅載焉甚矣爲宰者之不可不知邑乘也不知邑乘猶欲濟而無舟欲行而無輿也辛巳夏余權攝紫篆下車之始亟思得邑乘而觀之庶幾考前人之遺風善政以資爲治理迺詢之邑人士僉謂縣志板存仙峯書院髮捻之亂燬於兵燹方策散佚十不獲二三焉向之遺冊舊編藏在巖阿者蕩析播遷亦皆灰燼棄之矣余心愜焉而未能釋也每於簿書期會之暇徧訪諸故家世族遲之又久幸得二冊焉亟受而卒

紫陽縣志

卷一

序

一

讀之知紫陽之所以治及前人之所以爲治具在於斯矣夫紫陽建置始於前明其志已久不可考

國

朝康熙初邑宰常熟朱公允治始創爲新志其後二十年平

陽沈公麟復脩之又百五十餘年至道光間鄞縣陳餘山先

生與家粹卿公先後官是邑始採輯而重脩焉以成全志門

類大備綱舉而目張洵可以爲民鑑迄於今幾四十年矣其

間林谷變遷人民非舊幽芳湮沒揚闡久虛是誠守土者之

責也雖然余不敏又不獲久於其職何敢以脩志爲己任第

慮前賢之事功文章愈久而愈泯使後之人有無徵不信之

慨抑可悲也會邑太學生張君廷柱輸飲一百緡助縣官公

費爰飭梓民卽舊板而補葺之洸張海清廣文督厥功越三月而蕘事缺者復全剝者復完非敢爲功也要使前賢之遺型餘緒得以無廢墜耳斯余所以告無忝於紫民也若夫潤色增輯則在後之君子志成因敘其緣起於弁首豈
光緒八年壬午暮春署紫陽縣事北平吳世澤記

紫陽縣志

卷一

序

紫陽縣志卷一

邑令吳 純纂脩

典史施鳴鑾
訓導張 濂 校閱

地理志

紫陽地當秦蜀之交僻處一隅歷代沿革不一形勢廣狹無從考辨至明正德間裁興安州西南隅漢陰東南境添設紫陽縣疆索畫一按籍始有可稽爰纂地理統目凡八首以紀代明地之統屬次以疆域鄉里表地之形勢又繼以山川名勝道路險要辨地之方位遠近與地之雄壯奇秀至星野雖象垂於天而精氣要屬於地故並列為目詳加紀載庶攬勝紫陽縣志

卷一

地理志

一

者得所考焉作地理志

紀代

舊志魏興為漢南名郡禹貢屬梁州之域虞為媯墟周為庸國戰國時屬楚秦屬漢中郡漢因之東漢末為西城郡曹魏改為魏興郡晉宋齊因之梁置梁州魏置金城郡尋改金州隋又改西城唐復為金州為安康郡為漢南郡五代時入蜀為雄武軍宋改金州元因之屬興元路明仍為金州領五縣石泉漢陰洵陽平利白河因流寇藍廷瑞鄔本恕等嘯聚山林橫行劫掠正德庚午遣都指揮張光宇提兵討平之辛未議添設紫陽縣割金州漢陰縣地隸焉其建議經畫者有大中

丞藍公章分守蘇公乾分巡邊公億也當收撫土著老戶三十七家分金州漢陰縣一百一十戶編爲五里以紫陽真人脩煉之地故名萬曆癸未夏五月大水陷州城分守叅議劉公致中疏狀以聞請徙城於南原三里許改名興安州又改爲直隸屬陝西布政司紫陽仍爲屬邑

國朝因之

知縣朱允治曰興屬惟紫陽多崇山峻嶺民所耕以爲食者皆陡坡石磧旬日不雨則苦旱久雨則又苦澇甚則奔潰衝崩且虎鹿熊豕獸食人食故深山窮谷多半荒蕪苟牧斯土者不曲爲撫字則流移未必復而甍甍殘黎將有

紫陽縣志

補

卷一

地理志紀代

二

適彼樂土之思矣可不畏哉

按舊志建置沿革所載畧而未悉今考核通志及會典諸書詳爲分載條列於後則前後互証而歷代形勢愈昭然矣

夏商

興安州志商庸國地

周

方輿紀要春秋楚地

秦

通志西城縣地

漢

通志西城縣地

後漢

通志西城縣地

魏

陝西資政錄魏為魏興郡地

晉

陝西資政錄晉為魏興郡地

宋

廣城宋州郡志宋屬魏興禹貢錐指沈約宋志魏興郡有廣

紫陽縣志

卷一 地理志紀代

三

城縣故城在今紫陽縣東南漢水在今南門外**通志**縣後廢

府志按**通志**長樂今石泉**讀志**勝說引水經注為廣城長

樂地近巴獠大約俱在漢南疑即紫陽境與**通志**互異又

讀志勝說宋州郡志吉陽東關二縣宋志謂之南吉陽以

別於上庸之吉陽疑亦在紫陽境

廣城南齊州郡志齊屬魏興郡水經注漢水白寧都縣南逕

魏興郡之廣城縣縣治王谷又東逕魚脯溪舊西城廣城二

縣指此谷分界

府志按**讀志**勝說載齊郡國志有南廣城廣昌二縣而無

長樂疑二縣係長樂所改亦與**通志**互異

梁

廣城通志廣城縣宋置屬魏興郡齊因之後廢

北魏

廣城通志屬魏興郡

西魏

通志寧都縣地

府志按讀志陸說西魏魏寧縣屬魏昌郡疑合廣城廣昌等縣置在紫陽境亦與通志在今石泉界互異

北周

通志寧都縣地

紫陽縣志

補

卷一

地理志紀代

四

隋

通志安康縣地

唐

通志漢陰縣地

五代蜀唐晉漢周

通志皆金州地

宋

通志金州地

元

通志金州地雍勝畧漢陰縣地

明

紫陽明一統志在州城西二百二十五里明會典正德七年添設舊志本漢陰縣之東南隅正德五年立紫陽堡六年總制洪鍾奏升為縣又縣治初設於紫陽灘之左是為舊縣無城垣嘉靖三十五年知縣張亨甫遷於紫陽灘之右是為新城通志初屬金州後屬興安州

按安康縣志正德八年裁州西南境置紫陽縣是紫陽亦分興安州西南隅不獨漢陰地也

本朝

紫陽通志明隸興安

紫陽縣志

補

卷一

地理志

紀代

五

國朝因之縣册乾隆四十七年州升府仍隸興安府

釋名郡縣釋名正德壬申立紫陽堡癸酉升縣縣南紫陽灘旁有三洞乃紫陽真人所居縣名本此

封襲

明紫陽王誼漣

按明史太祖諸王傳誼漣秦靖王第三子萬曆十三年封秦國中尉十四年加封紫陽王

萬十五年進襲秦封

疆域

東至石門溝四十五里接安康縣界又東至官園一百五十

里接磚坪廳界西至馬家營水路一百二十里接漢陰廳界
南至二州埡一百六十里接太平縣界北至五里坡一百二
十里接安康縣界東南至雙河關一百二十里抵太平縣界
西南至團螺山一百九十里抵西鄉縣界東北至蒿坪河龍
界子七十里抵安康縣界西北至鳳凰山一百四十里抵漢
陰廳界東西廣二百七十里南北袤一百八十里東北至興
安府治水路二百八十里陸路一百八十里至鄖陽府治水
路八百里西至西鄉縣治二百九十里至漢中府七百里西
北至漢陰廳治一百八十里至省城由漢陰石泉路九百二
十里由興安安康鎮安縣路八百六十里由商州驛路一千
紫陽縣志

卷一

地輿志疆域形勝

六

零三十里至 京都由河南路四千六百四十里

形勝

邑之形勝興安州志云南通巴蜀西接梁洋縣疆域舊志紫
陽設府治西南境峯巒轟起江漢紆折柳宗元所謂巖峽峻
絕數里百折險隘扼塞秦蜀之要區也

按紫陽蕞爾邑形勝似無足錄然背枕高岡面臨漢水左
踞神峯關屏之固右俯長溪塹限之深設險守國附郭之
形勢已可憑藉至其遠者襟洞汝帶任川巖寨星羅林巒
霧列而邑後一帶烟隴雲塍平疇曠衍每夏秋間禾稼盈
阡嘉植蔚秀加以雄關並峙於東南鳳嶺橫亘於西北塞

漢中之隘口據金州之上游廣袤二三百里抑亦名勝地也惟地多山坡不耐久耕近則土愈薄民愈繁不免有人滿患貧之憂焉是在司斯士者善治之

四鄉輿地

本城東至舊縣梓潼閣抵中北界西至西門河抵大北界南抵漢江北至娘娘殿抵中北界計東西五里南北五里

東鄉

洞河舖距城三十里東至大梁接磚坪界西至大梁接汝河界上至長命壩下至洞河街計東西十里南北二十里

廟溝舖距城六十里東至吊陽關抵磚坪界西至百家溝抵

紫陽縣志



卷一

輿地

七

汝河界南至滾子坪抵磚坪界北至長命壩接洞河舖界計東西二十里南北四十里

白連橋舖距城九十里東至大圍園抵磚坪界西至碑埡子

抵雙河塘界南至冷清溝抵古家村界北至蕭家溝抵廟溝

舖界計東西四十里南北三十五里

圍園舖距城一百二十里東至僊女梁界西至黃柏溝界南

至天星寨界北至馬鬃嶺界計東西十五里南北二十里

古家村舖距城一百五十里東抵官園接磚坪界西抵萬人

寨接磚坪界南與八道河連界北與圍園連界計東西四十

五里南北五十里

八道河舖上牌距城二百四十里東至陽轉河口交下牌界西至小界嶺交四川界南至小梁交磚坪界北至小梁交棧波河界計東西五十里南北二十五里

八道河下牌距城一百八十里東至金安寨與小河沙彈子連界西至菜雞垵與磚坪連界南至牆園溝與古家村連界北至搭橋溝與上牌陽轉河連界計東西二十五里南北五十里

汝河舖距城三十里東至大石溝白巖坡抵河河界西至香爐山抵中南界南至土門垵抵權河界北至汝河口抵漢江界計東西七十里南北八十里

紫陽縣志

卷一

地理志輿地

六

雙河塘舖距城一百里東抵陽轉河連磚坪界西至鐵佛寺連內權河界南與六道河連界北與許家河連界計東西六十里南北五十里

六道河舖距城一百四十里東抵陽轉河界西抵鐵佛寺界南抵川界嶺爲界北抵雙河塘爲界計東西四十里南北六十里

南鄉

外權河舖距城六十里東抵大中林溝接磚坪界西抵宋家枳接溫家溝界南至黑溝接雞公灘界北至東瓜石接王家灣界計東西三十里南北二十里

內權河距城九十里東至土木埡接雙河塘界西至財神廟
接權河口界南至明家河接鐵佛寺界北至中林溝接磚坪
界計東西二十五里南北二十五里

西權河鐵佛寺距城一百二十里東至大原嶺接雙河界西
至遶溪梁接遶溪河界南至大梁接四川界北至巾權河接
高橋界計東西三十里南北六十里

竹黃溪亂石灘距城九十里東抵花櫟樹界西抵漁溪河高
灘界南抵華元寺界北抵大梁定遠界計東西四十里南北
六十里

漁溪河距城一百里東至高灘望峯山接竹黃溪界西至碕
紫陽縣志

卷一

地理志 輿地

九

子山接竹黃溪界南至高峯殿接遶溪河界北至大坪印子
山接定遠界計東西四十里南北五十里

遶溪河距城一百四十里東界權河大梁西界鐵佛寺南界
盤廂河北界權河高灘計東西三十里南北九十里

盤廂河上牌乾沙壩距城二百二十里東連遶溪河界西連
毛壩關界南連青石板河界北連土埡寨鐵區溪界計東西
三十里南北七十里

盤廂河下牌距城一百五十里東至遶溪河梁接高峯殿界
西至二臺坪接冉家溝界南至天池子接上盤河界北至漂
草溪接漁溪河界計東西三十里南北四十里

毛壩關距城一百五十里東至大南灘抵六壩塘界西至康家壩抵瓦廟子界南至木楠河抵四川界北至庫刀溪接漁溪河界計東西五十里南北六十里
朱溪河距城一百六十里東至漁溪河抵定遠界西至木竹坪抵定遠界南至漂草溪梁抵東麻柳壩界北至方城寨抵定遠界計東西五十里南北六十里

西鄉

大南上牌距城六十里東界王家灣西界白洋河大梁南界蕭家溝北界苗水溝計東西三十里南北四十里

大南下牌距城四十里東由任河嘴至到庄廟與雞公灘連界西由東明庵至白洋河大梁與上牌連界南由青山寨至鄧都殿與王家灣連界北由大力灘至辣子園與江北連界計東西六十五里南北二十里

紫陽縣志

卷一

地理志 輿地

十

雞公灘上牌距城四十里東至王家灣水磨溝界西至中寨溝界南至大吉寺六家河界北至外權河芭蕉口界計東西三十里南北二十里

雞公灘下牌距城二十里東抵僊人洞界南抵月池溝大梁界西抵瓦房店界北抵大吉寺大梁界計東西三十里南北三十里

小石河距城八十里東至紅椿壩抵尚家壩界西至木楊河

抵漆園河界南至白兔山盧家河抵尙家壩界北至長岡嶺
抵大南界計東西五十里南北二十里

王家灣上牌距城九十里東界椅子灣梁西界雨淋山南界
到水溪北界楊泗壩計東西三十里南北二十里

王家灣下牌距城六十里東至陡洞梁接雞公灘界西至椅
子灣接上牌界南至大梁抵任河界北至清河陽坡抵雞公
灘界計東西五十里南北二十五里

尙家壩上牌冷水溪距城一百二十里東界抵小石河長嶺
西界抵田壩南界抵定遠廟溪河原嶺北界抵定遠蜡溪壩
原嶺計東西三十里南北二十里

紫陽縣志

卷一

地理志 輿地

十一

尙家壩下牌距城九十里東至七里溝界西至西坡界南至
深溝界北至長嶺界計東西三十里南北二十里

東漆園河距城一百二十里東至蕭家壩界西至牟西溝界
南至三盤山界北至光頭山界計東西三十里南北六十里
西漆園河距城一百四十里東抵待吉寺大梁原嶺界南抵
小不河觀音堂界西抵小石河上牌木楊河山頂界北抵本
河白石巖界計東西四十里南北三十里

北鄉

中北上牌距城二里東至楠木溝界西至西門河界南至中
宮灘娘娘廟界北至明埡子界計東西二十里南北三十里

中北下牌距城二十里東至楊家灣抵安康界西至楠木溝
抵上牌界南抵漢江北至光溪腦抵蒿坪河界計東西十五
里南北十五里

蒿坪舖距城六十里東至茨溝抵安康易家河界西至祁家
溝興隆街抵林開河界南至滴水巖抵中北界北至園籬子
興隆寺抵安康界計東西三十里南北五十里

林開河上牌距城七十里東至王家坡抵開河界西至龍潭
埡抵張家溝界南至黃龍廟抵獅子溝界北至啞峒山抵潮
天河界計東西二十里南北二十里

林開舖下牌距城六十里東抵蒿坪舖界西抵大北石壁灘
紫陽縣志

卷一

地理志輿地

三

界南抵磨盤溝口界北抵本舖上牌雙河口界計東西二十
里南北二十里

五郎舖距城一百二十里東至金竹園抵安康五堰舖界西
至黃龍洞抵馬家營舖界南至白馬石抵漢江界北至五里
坡抵漢陰界計東西二十五里南北三十五里

馬營舖漢王城距城九十里東至竹溪溝抵五郎舖界西至
漢江抵豬頭山界南至七里溝抵觀音堂界北至馬家營抵
漢陰界計東西三十五里南北二十里

大北上牌距城七十里東至大磨子溝抵本舖下牌界西抵
白馬石界南抵漢江界北抵王家溝界計東西三十里南北

十六里

大北下牌距城五里東至陳家灣抵縣城界西至磨子溝抵本舖上牌界南抵漢江界北至大梁抵沔魚河界計東西四十里南北三十里

按各鄉輿地舊志未紀道光十六年知縣陳儀行保甲逐鄉清查始分編成冊自後各舖鄉保無敢藉犬牙相推諉者今摘載四至地界與夫寬廣之數雖約畧其大概而辨方正位按籍可稽不出戶庭形勢如指諸掌矣

山川

三台山舊志縣東三十里山形疊聳其中有石洞龍泉又相紫陽縣志

卷一

地志輿地山川

三

近有三十六峯羣峯簇擁爲諸山冠木石巉巖中多虎豹按紫境山林乾隆末年盡已開墾羣獸遺跡石骨稜嶒向之森然蔚秀者今已見其濯濯矣

紅巖山治東五十里洞河內接磚坪界孤峯獨出插漢凌霄登之可覽百餘里

國初與板廠山同爲寇據

金盆山治東五十里跨洞汝兩河山脊高十餘里下繞長江上連峻嶺路通斑鳩關及川界諸處

蠟燭山治東六十里雙峯亭亭宛如兩燭對峙欹崎屹立在東南諸山中頗爲秀拔特出

營盤山治東七十里與板廠山相去數里順治初大兵攻板廠山賊劄營於此至今舊壘尙存

板廠山舊志縣東七十里屬廟溝鋪順治六年巨寇孫守金據此爲亂十年始剿平之

真武峯治東一百一十里屬日連鋪其峯截壁懸崖三面距水惟東北有小徑可升峯頂有真武廟不知建自何年遺鐵爐一座銘刻嘉靖九年壽又大鐘一口墜圭山寺田中土人掘之隨掘鐘亦隨下終不能出有神異焉

迴龍山縣東南四十里汝河內深溝河側其峯高聳四面無對

紫陽縣志

卷一

地理志 山川

六

光頭山舊志縣東南一百五十里西權河內大路上通太平縣下通高橋山頂不生草木有二穴極深下有龍洞石門三重內有石床人不敢近雲霧起則雨

按訪冊縣西七十里小石河七元河交界有山亦名光頭山

玉屏山舊志縣南三里其相近有筆架山面學宮之右印臺山面學宮之左又有甕山在漢江南岸其形如甕亦謂之甕兒山山麓有洞宋紫陽真人張平叔修煉處

文筆峯舊志縣東南八里一峯突起如筆

香爐山舊志在縣東南十里有鐵香爐故名山嶺雲起則